

Broj: 09-2-24-1206-489/15
Sarajevo, 06.12.2021. godine

Savez općina i gradova Federacije BiH
Musala 5/1
71 000 Sarajevo

**Predmet: Obavijest o popunjavanju Upitnika i dostavi Pisma interesa za
Projekat Svjetske Banke *Modernizacija vodnih usluga u Bosni i
Hercegovini - za područje Federacije BiH*, za općine koje žele da se
uključe u Projekat**

Poštovani/e,

Dostavljamo vam Upitnik koji treba da popune općine/gradovi koji žele da se uključe u Projekat *Modernizacija vodnih usluga u Bosni i Hercegovini - za područje Federacije BiH*, kao i obavijest o dostavljanu Pisma interesa.

U aprilu 2020. godine smo vas izvijestili da je Svjetska banka ponudila kreditnu liniju Bosni i Hercegovini, odnosno Federaciji BiH, za implementaciju Projekta *Modernizacija vodnih usluga u Bosni i Hercegovini - za područje Federacije BiH*.

Federalno ministarstvo poljoprivrede, vodoprivrede i šumarstva je dana 17.04.2020. godine kandidiralo Projekat Svjetske banke *Modernizacija vodnih usluga u Bosni i Hercegovini*, za područje Federacije BiH u program javnih investicija.

Dana 14.01.2021. godine je Vlada FBiH na svojoj 251. sjednici usvojila Program javnih investicija na kojem se nalazi i Projekat *Modernizacija vodnih usluga u Bosni i Hercegovini*, za područje Federacije BiH.

Projekat je 24.11.2021. godine odobren od strane strane direktora Svjetske banke.

Krajnji dužnik po ovom kreditnom zaduženju su općine iz Federacije Bosne i Hercegovine koje budu uključene u Projekat *Modernizacija vodnih usluga u Bosni i Hercegovini*, za područje Federacije BiH, a resorno ministarstvo nadležno za implementaciju Projekta je Federalno ministarstvo poljoprivrede, vodoprivrede i šumarstva putem svoje Jedinice za upravljanje projektima u području vodosnabdijevanja u odvodnje otpadne vode (PMU/PIU). Timovi za implementiranje općinskih projekata (PIT-ovi), biće formirani od strane načelnika svake od općina koje učestvuju u Projektu, i odgovorni su za provedbu općinskih projekata.

Projekat *Modernizacija vodnih usluga u Bosni i Hercegovini* ima za cilj jačanje institucionalnog, finansijskog i pravnog okvira i kapaciteta u sektoru voda i komunalne djelatnosti sa namjerom osiguranja održivosti investicija u infrastrukturu.

Projekat se sastoji od tri komponente.

Komponenta 1: Modernizacija regulatornog i institucionalnog okruženja

Komponenta 2: Jačanje općinskog okvira pružanja usluga vodosnabdijevanja i odvodnje.

Komponenta 3: Općinski investicioni projekti - poboljšanje pristupa, kvaliteta i efikasnosti pružanja usluga vodosnabdijevanja i odvodnje otpadne vode. Izgradnja vodovodne i kanalizacione mreže, uređaja za prečišćavanje vode za piće i prečišćavanje otpadne vode.

Projekat bit će podržan kreditnim financiranjem od Svjetske banke i usklađen sa postojećim projektima i raspoloživim finansijskim izvorima drugih međunarodnih finansijskih institucija i bilateralnih donatora (SIDA, SECO, SDC, EK). Nadležne institucije na entitetskom će ovaj program implementirati zajedno sa lokalnim zajednicama i njihovim vodnim javnim komunalnim preduzećima sa ciljem poboljšanja vodnih usluga kako je navedeno u postojećim strateškim dokumentima (Strategiji aproksimacije propisa sa pravnom stečevinom Evropske unije (EU) u oblasti okoliša/životne sredine BiH, strategijama upravljanja vodama u oba entiteta.

Sve općine koje budu zainteresovane za uzimanje kredita od Svjetske banke će proći kroz provjeru stanja u komunalnom poduzeću i općini u smislu određenih indikatora koji su uspostavljeni. U zavisnosti od stanja i kapaciteta, općine će biti uključene u prve dvije komponente Projekta, te u zavisnosti od procijenjenih kapaciteta će krenuti sa Komponentom 3, koja podrazumijeva kreditno zaduživanje i realizaciju investicionih općinskih pod- projekata.

Projekat će se implementirati tokom šest (6) godina od 2022. do 2027. godine. Period otplate je 32 godine uz grejs period od 7 godina. Vrijednost kredita za koji se općina/grad zadužuju može iznositi 100% od vrijednosti investicije.

Potrebno je da općine/gradovi dostave u Federalno ministarstvo poljoprivrede, vodoprivrede i šumarstva (email adrese navedene su u Upitniku) popunjen Upitnik i Pismo interesa da su zainteresirani da budu uključeni i Projekat.

Molimo vas da ovaj dopis objavite na vašoj web stranici i time ga učinite dostupnim članicama vašeg Saveza te ih obavijestite o mogućnostima učešća u Projektu *Modernizacija vodnih usluga u BiH, za područje Federacije BiH.*

S poštovanjem,

PO OVLAŠTENJU MINISTRA
Sukavata Bešlić



Dostaviti:

1. Naslovu
2. PMU
3. Sektor za vode
4. a/a